

Щ-95  
27666

НИКОЛАЙ ЩУКИН

Мы  
радеижа...




Шукин Николай Александрович чужліс 1933 воын Усть-Вымскöй районса Лыаты сиктын. 1948 воын помаліс сизим класс. Сэсса велөдчис первой номера ремесленнöй училищын. Кык гождом плавайтіс пароходъяс вылын кочегарон. Уджалис электростанцияын машинистон.

Медводдза кывбур йөзөдіс 1958 воын «Войвыв кодзув» журналын. Сыктывкарса лесокombинатын уджалігөн на сійö пырис велөдчыны рытя школаө.

1964 воын помаліс 10 класс да сійö жö воас пырис велөдчыны М. Горький нима литературнöй институтö (заочнöй отделение).


Н. Шукин бөръя кадö уджалö и кыдзи прозаик: йөзөдіс некымын висят.

«Ме радейта» — том гижысьлөн медводдза сборник.




НИКОЛАЙ ШУКИН

---



Ме  
радеца...



Кывбурьяс

Коми  
книжной  
издательство

Сиктивкар-1965

*Николай Александрович Щукин*

**Я Л Ю Б Л Ю...**

стихи на коми языке

Оформление *В. В. Полякова*

Редактор *В. А. Попов*

Техн. редактор *А. Н. Вишнева*

Корректор *В. Потолицына*


Сдано в набор 6|V-1965 г. Подписано к печати 10|VI-1965 г.  
Формат 70×92<sup>1</sup>/<sub>32</sub> 0,6 бум. л., 1,60 печ. л. (Уч.-изд. л. 0,96)

Цена 5 коп. Ц01215. Тираж 1500. Заказ № 2419.

Коми книжное издательство. Дом печати.

---

г. Сыктывкар, Республиканская типография  
Управления по печати



\* \* \*

Колö, мед век кылі пармалысь висьтсö,  
Ас Коми мулысь мед аддзи быд мичсö,  
Медым выль кывбурнам войтырлы кужи  
Отсавны, гажöдны быд сьöкыд уджын.

Мед эськö быдöнлы лои бур ёртөн,  
Рöдина лыддис мед колана мортөн,  
Мед эськö ас нэмөн мукöд моз сямми  
Сины став олёмöс Рöдина-мамлы.



## ЁРТЛЫ

*Сиа Е. И. Чукичевлы*

Бур ёртöй менам, ми  
быдмим тэкöд

Кык вок моз дзик.

Кöть челядь дырным зэв  
вöвлі сьöкыд.

Эг няргöй ми.

Зэв водз ми тöдлім пöсь  
уджлысь кöрсö.

И няньлысь дон...

И кокни олөм ог öні  
корсьöй

Кык коми зон.

Быд тулыс воиг мед  
локтас радлун

Да сьылас лов,

Од тöдам, олам ми

кутшöм кадö —

Кöть век тэ ов.



Асывбыд нин туроб лёкалө,  
Ывла гудыр лои нач.  
Бара тэрмасьö посёлокö  
Орчча керкаысь том врач.

Мортлы дась век сійö отсавны,  
Мед көть лун, көть пемыд вой.  
Но оз тöd, мый сійö колис мен  
Нэмас бурдывлытöм дой.

Сьöлөм местаö оз инасьлыв,  
Öнi жö көть вызов сет,  
Оз-ö видлав ичöt кияснас?  
Оз-ö нюмыс сьлөн пет?

Мыйла, бушков, лунтыр лёкалан?  
Тэ тай вельмöмыд нин нач...  
Бара тэрмасьö посёлокö  
Орчча керкаысь том врач.

## МӨД МУ МЕН ОЗ КОВ

Коркө койтлісны тані таръяс,  
Зыбуч нюръясысь өвтіс грөз.  
Онi кыптö тан Эжва карным,  
Татчö овмөдчö вына йөз.

Лөз Эжва, лөнъ Эжва,  
Тэ гажөдан лов.  
Мөд юөн ог веж ме,  
Мөд му мен оз ков.

Визув ю пөлөн пожөм пуяс  
Чөла тэчöны мича мойд.  
Пуръя катеръяс ылі туйö  
Тані кывтöны лун и вой.

Коді шудтөмөн асьсö лыддьö,  
Сöмын тась сійö аддзас шуд.  
Көть и Войвывным скөрджык быттьö,  
Тöда, жалитны он нин кут.

Уна ныв бара миян таво  
Вежас мөд вылö асьыс ов.  
Уджыд, майбыр, тан тырмас ставлы,  
Тырмас ставлы и пöсь любов.

## ПРӨСЕК

Вөрас кывзысьö пулөн быд кор,  
Весиг вөрзыштлас, кок шы кө кылас.  
Енэж ме весьтын лөз — пом ни дор,  
Төдса прөсек тан чуксалö ылö.

Пув да тшак вотан кад — гажа кад,  
Көть и кыз пу нин корьяссö кисьтö.  
Татчөс вөр-васö аддзывны рад,  
Рад и тэныд тшөтш, кузь ныра истан.

Меным кажитчö: төрыт на дзик  
Шуда челядь дыр котравліс татчö,  
Ыджыд бипур тан ломзьөдлім ми,  
Весиг пөимсö öні на аддза.

Быдөн тыртлывлім кутшөмкө доз —  
Коді банка, а коді и туис.  
Чөскыд сэтөр да пев пом кодь оз  
Ичөт чой-воклы гортаным нулім.

Пашкыр коз, көні пукавлім пыр,  
Век на өнөдз со сулалö тани.  
Менам помасьліс тан челядь дыр,  
Татчөс прөсекөд томлунөс пани.

Тайö прөсекеыс — олөмас туй —  
Менам вөлөма медводдза туйөн.  
Көть и ас муысь ылö эз ну,  
Ассьым шудлунөс тани ме суи.

## АР

Гөрдөдiс пелысь,  
Рудөдiс ю.  
Кисьмыштөм төлысь  
Нинөм оз шу,

Эзысьөн койö  
Рудзөглысь идз.  
Татшөм лөнъ войö  
Гажтөмчö видз.

Сюрс биөн ярмис —  
Пөртмасьö кар.  
Кузов тыр зарни  
Нопъялис ар.

## МЕДБУР НЫВ

Обед дырйи пырис цехö  
«Югид туйысь» репортёр.  
Шуис: колö пö газетö  
Тіян цехысь медбур морт.

Мастер индіс том ныв ылö —  
Со, станочница зэв бур!  
Но, а нылыс быттьö сыліс —  
Объективö эз и сюр.

Эз, дерт, полём вöсна пышйы,  
Тöда, нылыс, веськыд ем!  
Прöстö, славалы эз ышты:  
Ме кодъид пö уна эм.

\* \* \*

Маслөөсь кыд и няйт.  
Стрөгкодбөн кажитчө чужом.  
Кокныыда кулясьсё сталь,  
Здук-мөд — и шылыд деталь  
Чорыд резец улад чужо.

Ачыд тэ мичаник, том.  
Тэ вылысь синмөс ог вештив:  
«Вот эськө меным невеста,  
Вот эськө мамöлы монь».

Донай, шуан кө тэ:  
«Енэжсьыс кодзувсö судзөд»,  
Судзөда, судзөда ме,  
Морöсад öшöдны мед,  
Уджын öд он тöдлы мудзөм.

## РАМЩИК

Пöшти нинöмөн йöзсьыс оз торъяв,—  
Гашкö, сійөн, мый калькунöм вом.  
А мый юрсисö дэльöдö дзорлун,  
Он и казяв, кор сьöлöмыс том.

Важ моз кывзö на ён пилорама  
Сылысь кöсйöм и сылысь быд дум.  
Мортсö кöть эськö шуöны рамён,  
Норма тырттöгыд оз на и мун.

Почёт пöв вылын снимокыд тэнад,  
Цехсö мичмöдö зэв уна во.  
Гашкö, вунöдін,— коркö öд меным  
Шулін: велöдчы, вежысьён ло!

Гашкö, тэ öнi ачyd он казяв,  
Пожöм керъяссö пилитан кор,  
Мый и кывбуръяс тэ йылысь важөн  
Гижö войясын ас цехса морт.

## ЮРКЫТШ

Ворслывлім ми тэкөд берег дорын,  
Кывбуръяс тэн сэк нин гижлі ме.  
Миянлы сэн сэтшөм вөвлі долыд!  
Мича юркытш меным кылін тэ.

Мыйта ва нин юыс сэксянь нуис!  
Быдмис кар. И вежсис юлөн көдж.  
Аддзө юыс, бура төдө юыс:  
Ми и асьным быдмим, вежсим тшөтш.

Төдса юлань муна ме ог өтнам,  
Тэнад кийн менам шоңыз ки.  
Сөмын өні кызкө дзик нин мөд ног  
Өта-мөдлань видзөдывлам ми.

Визув юө видзөдчөны пуяс,  
Накөд ми эг аддзысьлөй нин дыр...  
Мича юркытш кывтө Эжва юөд,  
Сыкөд тшөтш и миян челядь дыр.

\* \* \*

Шондыс енэжöd кузя нин кывтö,  
Уна нин шоныдсö вайлывлö сьöрас,  
Пышкайяс здук весиг оз овны сьывтöг,  
Сынöдыс уль руа — тувсовья кöра.

Мелі том серамön тельгöны шорьяс,  
Кылö нин, сад йöрын тувьясьö дедö,  
Нырнысö мычöны пулön веж корьяс,  
Надзöник шöпкöны: «Регыд нин петам».

Быдлаысь тулысöс аддза и кыла,  
Тöдмала сійöс ме чужöмьяс серти,  
«Шудаа, дружнöя овны да вывны»,—  
Сир дукön öвтыштö выль олан керка.

Быдön, дерт, тулысöс мичаön тöдö,  
Гаддьöсь ён кияс ни сьölöм оз сайöd,  
Матысмö кöсийöмным вöвлытöм öдön,  
Вoысь-во ставön ми казялам тайöс.

## МЕНЫМ КӨ ШУАСНЫ

Меным кө шуасны:  
«Эновт тэ Войвыв!»  
Водзвыв нин төда —  
Сьөлөмөй доймас.  
Кыдзи нө вунөдан  
Шуда том кадтө,  
Эжваын уялөм,  
Ошинюв садтө,  
Видзьяслысь, пармалысь  
Олөм да вылөм,  
Төждысьысь мамөс,  
Комиөн сьылөм?  
Вой төв көть толаөн  
Тыртлывлө мусө,—  
Век жө ас чужанін  
Медся на муса.  
Менө оз лунвылыс  
Мичлуннас ышөд,—  
Гөрддзасьліс муслунөй  
Льөм пуяс кытшын.  
Ачыс мем олөмыс  
Радлунсө сиө,  
Меным и пиөйлы  
Тырмас тшөтш сійө.

## ГЕОЛОГЪЯС

Помтөм тундраын пессьö вой төв.  
Суас рыт,— и палатка зэвт.  
Уна на водзын төдтөм ордым,  
Венны Войвылөс сьöкыд зэв.

Но геологъяс — повтөм войтыр:  
Ныв көть зон — ставлөн крепыд ки.  
Накөд дружитö пемыд войыс,  
Төв и зэр улын ловзьөм би.

Кружка чай дорын найö өтмоз  
Ставлөн юкөны гаж да шог...  
Кодкө лыддьыны бара тшөктас  
Маяковскийлысь «Хорошо».

Налөн мөвпъясныс ставлөн öти:  
Корсьны му пытшкысь ыджыд клад,  
Мед көть сөмын на усьлө вөтөн,  
Кыдзи дзордзалö тані сад.

Бипур куслас да ловзяс выльысь,  
Төв көть шутьлялө, лэччө лым,  
Мыла сыланкыв юргö ылөдз,  
Мый и Войвывным лоö пым.

## ТУЛЫС

Луныс талун мича,  
Ошиньяс көть восьтав.  
Жөлөб помсянь тічкө  
Тэрыб эзысь войтва.

Видзөдлан көть кытчө —  
Вөрыштöны пуяс.  
Чөскыд васö сырчик  
Кык пөрийö нин юис.

Төдса йөрьяс дорын  
Лымйыс чинö-чинö...  
Писькөдчöны шорьяс  
Эжва-мамныс динö.

## ӨНІЯ МОРТ

Керкаас төв ныр моз быйкнитіс пиыс,  
Радпырысь горөдіс:— Мамукөй, вот!  
Ачым ме төчиті!— дзирдыштіс киас  
Мичаа шыльөдөм ичөтик болт.

Радысла мамыс син дорсө чышкис,  
Нимкодъыс синваөн петіс сы пытшкысь.  
Налысь ме шуднысө, чайта, ог торк,  
Нимта кө кывбурсө— «Өнія морт».

\* \* \*

Чужан мусянь өні тэ зэв ылын,  
Шогыс, тшын моз, сёйё менсьым син...  
Тэнад нимөн шулывла ме нылөс,  
Эм көть эськө сылөн аслас ним.

Тувсов лунөн ловзьөдөм пось муслун  
Эг мөй помөдз видзны кужой ми?  
Мыйла югыд төлысьыс оз чусмы,  
Важ моз койё ассъыс эзысь сі?

Со тай бара гудөк өтнас кылө,  
Тыдалө, оз некод дінө ин...  
Тэнад нимөн шулывла ме нылөс,  
Эм көть эськө сылөн аслас ним.

## ГАЗЕТӨН ВУЗАСЬЫСЬ

Садьмө посёлокным. Пемыд на зэв,  
Удж вылө котөрөн пета.  
Орчча киоскө ме кежавла век,  
Газетсө ньөбны мед сэтысь.

- Тиянлы кутшөмөс?
- «Правдатө» вай!
- Меным «Известия» колө!
- «Трудыд», том нылөй, абу на тай.
- Абу на, сёрөнджык волөй...

Чужөмыс нылыслөн, быттё гөрд оз,  
Тэрыба вөрөны кияс.  
Быдөн дзик, кытчөкө тэрмасигмоз,  
Газетас сатшкысьлө синнас.

Надзөник усьө небыдик лым,  
Пуксьө со газетъяс вылө.  
Кажитчө, быттё быд кыв сэні пым:  
Лым чирйыс пуксьө и сылө.

Көдзыдыс көть эськө ярсьыс на яр,  
Зильлунсө нывлысь оз конды.  
Сийөн, мый нылөс быдса страна  
Аслас бур юөрнас шонтө.

## ЭВЕНКЪЯС ОРДЫН

На ордө любöй кадö лок —  
Зэв пöся примитасны тэнö,—  
Кыдз дона воксö дона вок,  
Ас морöс бердас кутлас эвенк.

Дзик пыр жö ломзьöдасны пач.  
Тэ гöсть сэн — ляпкыд пызан сайын,  
Эвенка рöднöй мам кодь нач —  
Туй мортöс шонтыштас пöсь чайөн.

Гөн вольпась сэсся пырысь-пыр  
Ас пытшкас босьтас тэнсьыд мудзём,  
Кöть кöдзыд ывла скöрнас тыр,  
Но шебрас улысь оз нин судзöд.

## УДЖ ИЫЛЫСЬ

Вермас тӱдса морт энӱвтыны пикын,  
Вермас томлуныд тшӱтш лоны руш...  
Сӱмын менам пӱсь сӱӱӱмлы дзикӱдз  
Лоис нэм кежлӱ бур ӱртӱн удж.

Тӱдлӱ сӱӱкыдлун, кынмӱм. А радлун  
Сытӱг эськӱ и некор эз чуж.  
ӱтнас менсьым том зонлысь быд падмӱм  
ӱдӱӱ бырӱдлӱс, отсавлӱс удж.

Нывлысь быдлаӱ сибалысь кисӱ  
ӱтнам бӱрӱыны эг эськӱ куж...  
Тӱкӱд, дӱнаӱй, миянӱс йитӱс,  
Ыджыд олӱмӱ пыртӱдӱс удж.

Эг ме ӱтка вӱв, эг вӱв ме рамӱн,  
Эз ков шулыны: «Сосьястӱ пудж!»  
Менам ичӱтсянь лоис бур мамӱн,  
Веськыд туй вылӱ петкӱдӱс удж.

\* \* \*

Частö дум вылö усьлывлö мен  
Кöмтöм челядь дыр, бöрынътчöм кадыс.  
Сійö кытöнкö ылын нин, сэн —  
Сöмын ставнас эз вешйы на татысь.

Мамлөн киясыс син водзын век,  
Гырысь сөнъяса мудзлывтöм кияс.  
Да и мам сьөлöм чорзъывліс сэк —  
Батьтöм челядьöс быдтіс öд сійö.

Отчыд мамöлы збыльтор эг шу —  
Бокöс тасмаөн неуна шонтіс.  
Лунтыр куйлі — эг сёй ни эг ю.  
Сэсса мамö жö лелькуйтны пондіс:

— Оз öд, донаöй, пөръясьны ков...—  
Аслас, видзöда, синваыс письтіс.—  
Веськыд сёрниа мортөн век ов,  
Мортлы пөръясьны, пиукöй, мисьтöм.

Кöмтöм челядь дыр — бöрынътчöм кад —  
Ме тай шуи, эз вешйы на татысь:  
Ог куж пөръясьны — таысь ме рад!  
Со мый коліс мем бöрынътчöм кадыс.

# Сиктса тетрадьыс



\* \* \*

Видза граница.

А син водзö усьö

Кöдзыд да толаа ас чужан му,

Джуджыд крут кыр йылын ичöтсянь муса

Лыаты сикт, менам Эжва — лöz ю.

Аддза ме сьöртъясысь козъяс да нывъяс,

Расъясысь кыла гöрд жоньяслысь шы.

Сы мында мичлун, кöть ставсö тэ сывъяв,

Ставсö кöть дзоридз моз кывбурад кы!

Мый нö кöть войвыв да лыйсьö сэн кöдзыд?

Позьö мöй шуны: сэн гажтöм да лёк?

Войвылын чужи, и сийö мен муса,—

Сийöс ог вунöд ме, некор дзик, ог!

\* \* \*

Син ни пель, бара бушков буалö,  
Отнам туй кузя восьлала дзик.  
Тэнсьыд шуд видзны зэв ылö мунывлі,  
Со и локта ме бөр, чужан сикт.

Батълөн керкаыс муртса нёровтчём,  
Дыр эз сибавлы мужик сям.  
Орчча керкаö, тöда, корасьны  
Бара нуöдны пондас мам.

Тöда, нывъяс да зонъяс локтасны,  
Дыр нин гортас эз вöв салдат...  
Менö тані на виччысьö томлунöй,  
Сыкöд аддзысьны выльысь ме рад.

Бара тіянкöд лоа тані ме,  
Чужан вөр-ваöй, дона сикт.  
Менö виччысян он, муса мамöй, тэ?..  
Чужан сикт кузя восьлалö пи.

## ГОЖСЯ ЛУН

Шы ни төв, ни шыч ни рач,  
Вералыштö сынöd.  
Еджыд лым тола кодь нач  
Енэжас кык кымөр.

Лежнөг улын сьöлаоз  
Польдöма гөрд вирнас.  
Кадысь водзджык дзормöm коз  
Мыссьö зарни сирнас.

Гөгөр шывкнитчöма видз,  
Туруныс — он письт тэ.  
Шондi аслыспөлöс мич  
Содтöd сэтчö кисьтö.



Радейта ме, Сыктыв кодыр гытөм,  
Төв ныр кодыр чөвлунсө оз торк.  
Берег дорө пета шоныд рытө  
Кывзысьны, кыз шөпкөдчө быд кор.

Талун бара паськыд мир туй пөлөн  
Ветла өтнам, рытсөрөдз ог пыр.  
Видзьяс вылө кежа — ловзьө сьөлөм —  
Чөскыд дукуы некор тась оз быр.

Ставыс ас тан, ставыс тані муса:  
Шогсьысь бадьяс, мулөн зарни эж,  
Сыктыв сайын рытъя кыа кусөм,  
Бөръя сiөн ворсысь черань вез.

## РОЧ БАГАТЫР

Лэблiс космосö Юрий  
Гагарин,  
Миян муывса роч багатыр.  
Вöли быдлаын — сиктын  
кöть карын —  
Йöзлөн сьöлöмыс радлунөн тыр:  
Тайö дивöыс оз öмöй  
чуймöд?  
Таысь сылы мöй чолöм он шу?!  
Сийö миянлысь  
Ставнымлысь нуис  
Помтöм космосö важыся дум.  
Тайö лунсö история пасъяс:  
Восьтiм кодзувлань лэбалам  
нэм!..  
Важся мойдъяссö  
збыльмöдны, часлы,  
Гашкö, тшöтш коркö удайтчас мем.

## ТӨЛЫСЬ

Меным вöлі вит-квaйт ар на,  
Бабöй висьтавлывлі мойд:  
Эм пö тöлысь вылын зарни,  
Сöстөм зарни — уна додь.

Сэк ме думайтлывлі частö:  
Сэтчöдз нюжöдны кö пос,  
Дерт жö, эськö — шулі аслым —  
Зарни ёкмыльтөг эг кос.

Лои эськö озыр мортөн,  
Йöзкөд юкси — кыв эг шу...  
Чарла-тöлысь вылö дзорги:  
Эз-ö кодкö джынсö ну?

Тайö важөн коркö вöлі,  
Сэки йöй на вöлі, дерт...  
Онi ачыс югыд тöлысь  
Видзö мулысь зарни герб.

## КУЗНЕЧ

Лымйыс син водзад и сылө,  
Дзольгө-варовитө шор.  
Кузнечасянь ылөдз кылө  
Мөлөтъяслөн лөсьыд гор.

Кыа вөр сайын на узыө,  
А кузнеч нин пөльтіс би,—  
Көть и пөрысь, оз төд мудзөм,  
Зэв на чорыд сылөн ки,

Шондіторсө өдъя горысь,  
Оз тай повзы, босьтіс друг.  
Вомгорулас сьылө-боргө.  
Мөлөт отсасьө: тук-тук!

Дасьөсь агасъяс да плугъяс,  
Пыр көть муяс вылө мун...  
Шуа веськыда ме, другъяс:  
Дорө сійө тувсов лун!

\* \* \*

Рытгорув. Сиктын  
Вашкөдчө гожом.  
Сьөлөмөй тпкө:  
Локтас-ө? Оз-ө?

Кыдз нө он виччысь,  
Гажыд кө быри?  
Смеллунөй вичмис,  
Сад йөрас пыри.

Важ мозыс мича  
Гөрддзасьө льөм пу,  
Вөвлі зэв ичөт —  
Котравлі көмтөг.

Уськөдчис воча,  
Код вөвлі муса:  
— Коленька, чолөм!  
Кытысь нө усин?..

Сикт кузя шөйтам,  
Ю дорөдз волам.  
Казьтыштлам көвтөм,  
Челядь дыр, школа.

Паметьын ставсө  
Ловзьөдлам выльысь.  
Чөв олам сөмын  
Радейтчөм йылысь.

## ВУЖЪЯС

Эм тэнад радейтана зон,  
Мен сійӧ ёртӧн коркӧ шусис.  
Но мыйла, нылӧй, он вун, он  
И частӧ вӧтӧн меным усян?

Мый вӧвлі важӧн, бӧр оз ло.  
И лёкӧн казътивны ог куж ме..  
...Ён бушков чегис ӧтка коз —  
Но муӧ колины кузь вужъяс.

## КОДЗУВ

Войся енэжыс сөдз да сөстөм,  
Мыйта кодзулыс дзирдало сэн!  
Сөмын сийо, мый медъёна öзийо,  
Тода, важысянь нюмъяло мен.

Вөр-ө пилита, вуджа-ө ордым,  
Кывбур йылысь-ө пана ме дум,  
Узыны водигөн ог көть ме вордлыв,  
Вөтөн аддзывла сылысь пось нюм.

Сийо вылысянь чолөм мен ыстө,  
Шуо: «Судзод, и нэм кежад босът»...  
Мыйла тэкөд ми тадзсө ог лысьтө,  
Миян сөмын өд кык керка кост?

## ГИЖЫШТ ПИСЬМӨ

Керка дорсянь пышйö водзö  
Туйыс муяс пöлөн.  
Тэтöг, менам югыд кодзув,  
Шогсьö öтка сьöлөм.

Частö дум вылö мен усьлö  
Вунöдлытöм пöра.  
Чангыль ныра, варов муслун,  
Ставсö нуин сьöрад.

Сöмын миян костö некор  
Янсалöм оз инась.  
Тэ кöть ылын — но пыр мекöд,  
Тані, чужанінын.

Ошинь улын зарни коръя  
Кыз пу кышакылö.  
Менö тэ кöть письмөторйөн  
Козьнав, муса нылöй.

Кызди уджалан и олан,  
Кöнкö-й, гажыд быри?..  
Меным сöмын кыв-мөд колö,  
Радлунөн мед тыри.

\* \* \*

Лун кодъ югыд тувсов войыс  
Меным унмовсьны оз сет.  
Коді съөлөм вылө воис,  
Бара рытйысьны эз пет.

Уна удал зонъяс эмось,  
Сөмын меным мөд оз ков.  
Эм мөй мортлөн өтка нэмас  
Көнкө нөшта мөд любов?

Мый нө, тулысөй, тэ вөчин?  
Ставөн шудаось,— мен шог.  
Мыйла зонмыс мекөд көдзыд,  
Меөдз абу сылы мог?

Лун кодъ югыд тувсов войыс  
Меным унмовсьны оз сет.  
Коді съөлөм вылө воис,  
Бара рытйысьны эз пет.

## ГУДӨКНАС КӨ РЫТЫН...

Гудөкнас кө рытын Миша петас,  
Горөдас кө сьывны сьыланкыв.  
Гортса уджъяс вунөдөны сәки  
Миян сиктса уна зон да ныв.

Ок и лөсьыда зэв гудөкасьө,  
Татшөм морткөд сьөлөмнад он усь.  
Өти рытө сійө өтлаөдө дасөс.  
Оз тай, майбыр, том пөрайд узь.

Абу зонмыс ыджыд, абу мича,  
Пасьтасьөма прөстөякодь сідз.  
Сөмын быдөн ыдждөдлөны Мишөс:  
Миян дона Михаил Ильич.

Гожся кадө видз вылын зэв сөрөдз  
Некодөс пөсь вон улө он сүй...  
Лоө сиктын свадьба, быдөн корө —  
Гудөкасьтөг некытчө оз туй.

Зонмыс сайө асьыс дона нывсө  
Миян сиктын быдөн сетны рад...  
Медбур трактористөн сійө кывсьө,  
Төдө тшөтш и музыкалысь лад.

## ЫТШКИГӨН

Турун лэптыссьöма вылöдз,  
Морöсöдз мем дзик нин.  
Таво гожöм ола-выла  
Аслам чужан сиктын.

Босьті киö лэчыд коса,—  
Турун сöмын водö.  
Лöсьыд мунны веж покосöд,  
Тöдса уджнас код ме.

Йöзыс шмонитöны, кыла:  
— Прöста карас олан!  
Тэ и, зонмöй, тан он ылав,  
Медбур жöник лоан...

Турун вылö лысва усьö.  
Рытыс мича, мелі.  
Ог тöд мыйла, кыв джын шутöг,  
Турун пöвстöд келі.

Кöть и сиктöдз абу ылын,  
Мунсяс öмöй гортад?  
Асья кыа, лэбач сьылöм  
Любö карса мортлы.

Унмöй воши, войбыд песся,  
Морыс, гашкö, лыйис!  
Шуöй, ёртьяс, мый нö сэссия,  
Кольччыны-ö, мый-ö?

\* \* \*

Том войтырөс бурөн он дугөд,  
Көть пөра нин помавны, сёр.  
Од, төдөмысь, быдөнлы любө,  
Веж туруныс гыалө кор.

И көсийссьө шыбитны дөрөм,  
И ма көра турунас здук  
Сунсьыны, веськыда пөрны,  
А бөрвылын вөтөдө друг.

Зіль шондіыс саяліс важөн  
И сайкаліс лөнь ывла выв.  
Лөз ю дорын бара выль гажөн  
Косьөбтіс том сыланкыв.

Көть пусьысьлөн рокыс и дубов,  
А солыштны некод оз кор...  
Од, төдөмысь, быдөнлы любө,  
Веж туруныс гыалө кор.

## МАЙБЫРӨЙ, ТОМЛУНӨЙ

Майбырөй, томлунөй,  
Вунөдтөм пөра,  
Мунам ми водзө век,  
Кольччан тэ бөрө.

Тэнад том шыясөн  
Шызьывліс ывла,  
Өні на вөтөн век  
Найөс ме кывла.

Кыз пуяс, пожөмъяс,  
Узьывтөм войяс,  
Отлаын тиянкөд  
Прөйдитліс збойлун.

Аддза том йөзсө да  
Дум вылө усьлө  
Аслам том пөрайй,  
Медводдза муслун.

Мунам ми водзө век,—  
Завидьтам налы,  
Кодьяслөн томлуныс  
Вильшасьө талун.

## СИКТСА НЫВЛЫ

Вөр-валён мичлуныс ворсөдчө синъясад,  
Некор дзик жугыльлун сэтчө оз писътывлы.  
Быд уджын өткодя варовось киясыд.  
Чужомыд, ныланой, оз тусь моз кисъмөма.

Татчөс быд шор тэныд ас ногыс дзольгыштө,  
Синъяссө тэ вылысь зонъяс оз вештивны.  
Асья сөдз лысвалысь югъялысь моляссө,  
Майбырөй, уна и көвтыны эштылан.

Тэнад зіль киястөг нянь тан оз шептассы,  
Тэнад пось сьёлөмтөг гажлы не волены.  
Збойлунтө, зильлунтө он тэ видз дзебасын,  
Удж вылө аскөдыд ваян тшөтш долыдлун.

Ас сиктса зонъяслысь, збойяслысь, ёнъяслысь,  
Сьёлөмъяс гусьөник шоглуныс сывъяліс,  
Меным жө лоин тэ медводдза помкаён,—  
Менам поэмаяс, пось сьыланкывъяслы.

## МЕНАМ ТАЙӦ ЗОНМЫС

(Сбыланкыв)

Бара гожӧм варовмис,  
Узьны вой оз сет.  
Кызд нӧ талун ва дорас  
Йӧктыны он пет?

Сьӧлӧм вылӧ воис мен  
Гудӧкасьысь зонмыс,  
Уджын сийӧс морт оз вен,  
Ачыс кӧть и том на.

Видз вылын ми ӧтлаын  
Ытшкамӧ быд лун.  
Сийӧ меным ӧтнамлы  
Ыстылӧ пӧсь нюм.

Кӧсья эськӧ терпитны,—  
Нюмъевтны тай ковмас,  
Кутны асьтӧ верман мӧй,  
Тшӧктӧ кӧ нин томлун?

Унаӧс кӧть гудӧкнас  
Гажӧдлывлӧ, мед,  
Менӧ сийӧ любитӧ —  
Некодлы ог сет.

Чужис кӧ нин радейтчӧм —  
Сьӧлӧмтӧ он томнав.  
Нывъяс, энӧ надейтчӧй,  
Менам тайӧ зонмыс.

\* \* \*

Отиклөн машина,  
Мөдлөн аслас горт.  
Менам абу нинөм —  
Сөмын кыз блокнот.

Эзысь моз сэн зильгө  
Уна сьыланкыв.  
Нинөм, көть и найӧс  
Некод на оз сьыв.

Кыз блокнотысь ӧтдор,  
Уна мен оз ков:  
Медым вӧлі шонді,  
Дружба да любов.

Нӧшта эськӧ колӧ  
Енэж, коді лӧз,  
Ыджыд думӧн олысь  
Сьӧлӧма, бур йӧз.

Вылӧ ме ог лэптысь,  
Завидьысь ог пот.  
Озырлунӧй зептын —  
Кызіник блокнот.

## ЮРИНДАЛЫСЬ

«Колө, мед век кылі пармалысь висьтсö» . . . . .	3
Ертлы . . . . .	4
«Асывбыд нин турөб лёкалө» . . . . .	5
Мөд му мен оз ков . . . . .	6
Прөсек . . . . .	7
Ар . . . . .	8
Медбур ныв . . . . .	9
«Маслөось кийд и няйт» . . . . .	9
Рамщик . . . . .	11
Юркытш . . . . .	12
«Шондыс енэжөд кузя нин кывтö» . . . . .	13
Меным кö шуасны . . . . .	14
Геологъяс . . . . .	15
Тулыс . . . . .	16
Өнiя морт . . . . .	17
«Чужан мусянь өнi тэ зэв ылын» . . . . .	18
Газетөн вузасьысь . . . . .	19
Эвенкъяс ордын . . . . .	20
Удж йылысь . . . . .	21
«Частö дум вылö усьывлө мен» . . . . .	22

## СИКТСА ТЕТРАДЫСЬ

«Видза граница. А син водзö усьö...» . . . . .	23
«Син ни пель, бара бушков буалö...» . . . . .	24
Гожся лун . . . . .	25

«Радейта ме Сыктыв, кодыр гытөм» . . . . .	26
Роч багатыр . . . . .	27
Тöлысь . . . . .	28
Кузнеч . . . . .	29
«Рытгорув. Сиктын» . . . . .	30
Вужъяс . . . . .	31
Кодзув . . . . .	32
Гижышт письмö . . . . .	33
«Лун кодь югыд тувсов войыс» . . . . .	34
Гудöкнас кө рытын . . . . .	35
Ытшкигөн . . . . .	36
«Том войтырöс бурөн он дугöд» . . . . .	37
Майбырöй, томлунöй . . . . .	38
Сиктса нывлы . . . . .	39
Менам тайö зонмыс . . . . .	40
«Öтиклөн машина» . . . . .	42

---

БИБЛИОТЕКА  
Респ. Краев. Музея  
Номин. АССР  
город Сыктывкар.

5 кӧп.

